



Sabtu, 20 Maret 2021
Ogen : Jeremia 50 : 11-16



Labo Gelgel



Ise pe labo pernah mprediksi i bas tahun 2020 enda ndai lit pandemi virus corona, si seh ngasa genduari lenga bo erkedungen janah ise pe la metehsa ndigan ka ngadi. Ndauh asa si terukurken manusia, ngasup Tuhan ngelakokensa sabab manusia terbatas kuasa gegeh ras pemetehna tapi Tuhan meteh kerina dampar kegeluhen. Emaka labo gel-gel si jadi bas geluhta, uang masukta, sura-suranta, kinitekenta, kerina lit pasang surutna, tapi Tuhan tetap mpegegehi kita ndalani proses kegeluhenta. Iizinken Tuhan nge maka banci jadi pandemi virus Corona? Virus si la teridah tapi jadi kebiaren man kerina manusia si lit i bas doni enda erkieteken dampakna "kesah" kematen.

Tupung 70 tahun bangsa Babilon njajah bangsa Israel i pembuangan, lanai lit pengarapen bangsa e. Tapi Bangsa Babilon nggejapken ia hebat, sabab bangsa Tuhan ijajahna, ate atena, irampukna, ihina alu ngataken i ja kin Dibatandu? Meganjang ukurna erkiteken bangsa Israel enggo ikuasaina. Emaka ikataken Tuhan "O kalak Babilon, irampukndu bangsangku, meriah dengen siang iakapndu erdalan desken kuda si ngerihrih" tapi erkiteken rawa Dibata maka lanai lit sekalak pe si banci nggeluh i Babil janah runtuh me bentengna enggo runtuh ergungun Babil ikepong erkiteken enggo talu i bas kuasa Tuhan. Lit paksa kemenangan lit ka paksa talu, kerina erpaksa paksa emaka kai pe labo gel-gel.

Tupung lit i bas kesenangan ula tawasa, tupung i bas kiniseran ula tangissa. Tupung mberat pe perbebenta erkiteken covid 19 enda ula kote, ula sedih ras picet ukurta sabab perbahanen si bage la nambahi kesehatenta tapi erbahansa kita sakit.

kerina lit pakšana iban Tuhan, tetap megegeh dengen sangap



[The main body of the page is a large, blank white area with a wavy top edge, intended for writing.]